



III CARREIRA DO ENTROIDO CONCELLO DE VIGO **REGULAMENTO DE PARTICIPACIÓN**

(Aprobado pola Xunta de Goberno local na súa sesión ordinaria do 3 de febreiro de 2017)

PRIMEIRO.- O Concello de Vigo organiza o domingo, 26 de febreiro de 2017, a “**III CARREIRA DO ENTROIDO**” con saída e chegada na **Porta do Sol**. Dado o seu carácter festivo animase a todas as persoas interesadas a vir disfrazadas.

SEGUNDO.- Poderán participar na mesma, atletas federados e non federados; dándose unha clasificación conxunta dos mesmos.

TERCEIRO.- DISTANCIAS e HORARIOS:

SAÍDA	CARREIRA	ANOS/ IDADES	DISTANCIA
11:00	Absoluta	2001 e anteriores	5 km e 10 kms
11:15	Cadete	2002 , 2003	2400 m aprox.
11:35	Infantil	2004 , 2005	1600 m aprox.
11:50	Alevín	2006 , 2007	600 m aprox.
12:00	Benxamín	2008, 2009	250 m aprox.
12:15	Pequerrechos	2010, 2011, 2012 , 2013	60 m aprox.

CUARTO.- PREMIOS:

■ Na carreira absoluta de 10 km:

- Haberá un agasallo ao chegar a meta para todos aqueles que corran **disfrazados**.

- Daranse premios en metálico ós 3 primeiros clasificados absolutos en ambos sexos:

1º Clasificado/a 300 euros

2º Clasificado/a 200 euros

3º Clasificado/a 100 euros.

- Ademais entregaranse agasallos aos **3 primeiros** de cada un dos sexos **das distintas categorías** establecidas no cadro seguinte:

CATEGORÍA	ANOS/ IDADES
Xuvenil	2001, 2000
Júnior	1999, 1998
Promesa	1997, 1996, 1995
Sénior	1994 ata 39 anos
Veteranos A	entre 40 e 49 anos
Veteranos B	entre 50 e 59 anos
Veteranos C	con 60 e máis anos

- Así mesmo **tódolos participantes da carreira recibirán** un agasallo conmemorativo da proba ó recoller o seu dorsal, dentro da súa **bolsa de corredor**.

■ Na carreira absoluta 5 km:

- Haberá un **agasallo** ao chegar a meta para todos aqueles que corran **disfrazados**.
- Darase un premio económico de **150 euros ao mellor grupo/conxunto** de máis de 5 persoas (que inscribíndose como tal) corran disfrazados. Para determinar cal de tódolos grupos é o mellor a organización disporá dun xurado a pé de rúa, que valorará a orixinalidade, sintonía do grupo e graza.
- Así mesmo **tódolos participantes da carreira recibirán** un agasallo conmemorativo da proba ó recoller o seu dorsal, dentro da súa **bolsa de corredor**.

■ No resto de carreiras infantís:

- Haberá premio para os 3 primeiros de cada un dos sexos nas categorías que seguen:

CATEGORÍA	ANOS/ IDADES
Cadete	2002 , 2003
Infantil	2004 , 2005
Alevín	2006 , 2007
Benxamín	2008 , 2009

- Na carreira de “Pequerrechos” (2010, 2011, 2012, 2013), que terá carácter unicamente participativo, daranse medallas a tódolos participantes.

QUINTO.- PERCORRIDO:

As carreiras cadete, infantil, alevín, benxamín e pequerrechos desenvolveranse na peonil Rúa do Príncipe. Con saída e punto de encontro no final desta rúa con Praza Porta do Sol.

A carreira absoluta con saída na Porta do Sol, fará un percorrido por: Rúa Elduayen, Paseo de Alfonso XII, Rúa Pi y Margall, Rúa López Mora, Avda. das Camelias, Praza da Independencia e continuación por Avda. das Camelias, Rúa de Romil, Rúa da Falperra, Rúa Cachamuíña, Ronda de Don Bosco, Rúa Progreso e Rúa Doutor Cadaval ata Praza Porta do Sol, finalizando aquí os de 5 kms e iniciando unha nova volta os de 10 kms.

SEXTO.- INSCRICIÓN:

O prazo de inscrición **remata o mércores 21 de febreiro ás 24:00** horas. Tódalas inscricións realizaranse a través da web **championchipnorte.com**

A inscrición en calquera das carreiras **é gratuita**.

SÉTIMO.- RECOLLIDA DE DORSAIS E CHIPS:

	INICIO	PECHE	LUGAR
venres 24 de febreiro	17:00	20:00	Sede da Agrupación de Centros Deportivos e Culturais de Vigo Teléfono: 886 13 96 70 Rúa do Ecuador, 34 C.P. 36203 Vigo, Pontevedra
Sábado 25 de febreiro	17:00	20:00	Sede da Agrupación de Centros Deportivos e Culturais de Vigo Teléfono: 886 13 96 70 Rúa do Ecuador, 34 C.P. 36203 Vigo, Pontevedra

OITAVO.- SERVIZOS:

A organización porá un servizo de asistencia, que velará pola saúde dos atletas.

Contará tamén cos correspondentes seguros de Responsabilidade Civil e Accidentes, válidos durante o transcurso do evento.

NOVENO.- Todo corredor que non entre en meta co seu dorsal e chip correspondentes ou que incumpra as normas do presente regulamento poderá ser desclasificado.

DÉCIMO.- Queda totalmente prohibido levar calquera tipo de lenda con publicidade que conteña mensaxes que atenten contra os principios constitucionais, os dereitos humanos ou a lexislación vixente.

DÉCIMO PRIMEIRO.- Non está permitido o acompañamento na proba de ningún vehículo alleo á organización. Nin bicicletas, patíns ou patinetes, nin persoas non inscritas na proba.

DÉCIMO SEGUNDO.- As reclamacións ós resultados oficiais deberán realizarse verbalmente, despois de terse feito públicos e como mínimo 20 minutos antes da entrega do premio, ante calquera membro do Comité Organizador.

DÉCIMO TERCEIRO.- Todo o non previsto neste regulamento resolverase mediante o consenso dos membros do Comité Organizador da carreira.

DÉCIMO CUARTO.- O feito de inscribirse nesta carreira implica a total aceptación do presente regulamento. Dando vostede autorización ós organizadores a rexistrar total ou parcialmente a súa participación mediante fotos, vídeos, televisión ou calquera outro medio de difusión.